


**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA**



**BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR**

KABINET MINISTRA
Broj:05-01- 30-80 /21
Dana: 24.02.2021.godine

UPRAVA POLICE
Sektor za mat.fin. i informacijsko komunikacijske tehnologije

**PREDMET: Poništenje Javnog konkursa i objava Ponovljenog Javnog konkursa, d o s t a v l j a s e,
objava, t r a ž i s e.-**

U prilogu akta dostavljamo vam tekst za poništenje Javnog konkursa za imenovanje Odbora za žalbe javnosti i tekst Ponovljenog Javnog konkursa, za objavu na web stranici MUP-a (www.mupusk.gov.ba).

Navedeni tekst prosljeđen vam je i na mail adresu mupusk@mupusk.gov.ba

Prilog: kao u tekstu.-

Dostavljeno:

- Naslovu,
- a/a.



Obrađivač: Arapović Bekira

502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560

Web: www.mupusk.gov.ba, e-mail: mupusk@mupusk.gov.ba, info@mupusk.gov.ba

Na osnovu člana 24. Zakona o unutrašnjim poslovima Unsko-sanskog kantona («Službeni glasnik Unsko-sanskog kantona» broj: 13/16 i 16/17) i člana 72. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“ broj: 13/16, 16/17), ministar Ministarstva unutrašnjih poslova Unsko-sanskog kantona, r a s p i s u j e:

PONIŠTENJE
JAVNOG KONKURSA
za imenovanje Odbora za žalbe javnosti

Poništava se Javni konkurs za imenovanje Odbora za žalbe javnosti (jednog predsjedavajućeg i dva člana), objavljen na web stranici Ministarstva unutrašnjih poslova dana 08.12.2020.godine, na web stranici Skupštine Unsko-sanskog kantona dana 09.12.2020.godine i u dnevnim novinama „Oslobođenje“ dana 11.12.2020.godine, na osnovu zaključka Komisije za izbor i imenovanje i finansijsko-administrativna pitanja broj: 02/2-02-4-40-3/21 od 20.01.2021.godine.



MINISTAR
Nermin Kljajić

Na osnovu člana 72. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“ broj: 13/16, 16/17) i člana 5. stav (1) i stav (9) Pravilnika o uvjetima za imenovanje i razrješenje članova Odbora za žalbe javnosti („Službeni glasnik Unsko-sanskog kantona“ broj: 1/17), Ministarstvo unutrašnjih poslova Unsko-sanskog kantona, r a s p i s u j e:

PONOVNI JAVNI KONKURS za imenovanje Odbora za žalbe javnosti

I

Ministarstvo unutrašnjih poslova raspisuje Javni konkurs za imenovanje tri člana Odbora za žalbe javnosti, i to:

1. predsjedavajućeg Odbora,
2. dva člana Odbora.

II

Pravo prijave na Javni konkurs imaju lica koja ispunjavaju slijedeće uslove:

1. predsjedavajući Odbora – najmanje deset godina radnog iskustva na pravnim poslovima državnog službenika ili kao sudija ili tužilac, bira se iz reda građana.
2. jedan član Odbora – najmanje pet godina radnog staža u struci nakon sticanja visoke stručne spreme pravnog ili društvenog smjera, bira se iz reda građana,
3. jedan član Odbora – najmanje pet godina radnog staža u struci nakon sticanja visoke stručne spreme pravnog ili društvenog smjera, bira se iz reda državnih službenika kantonalnih organa uprave.

III

Pored uvjeta utvrđenih u tački II, kandidati za predsjedavajućeg i članove Odbora, moraju ispunjavati i uvjete iz člana 6. Pravilnika o uvjetima za imenovanje i razrješenje članova Odbora za žalbe javnosti, te **su uz prijavu sa kraćom biografijom**, na Javni konkurs dužni dostaviti original ili ovjerenu kopiju slijedeće dokumentacije:

- a) uvjerenje o državljanstvu Bosne i Hercegovine,
- b) uvjerenje ili ovjerena izjava data kod nadležnog organa da nije otpušten/na iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u razdoblju od 3 (tri) godine prije dana objave javnog konkursa,
- c) ovjerena izjava data kod nadležnog organa da nije obuhvaćen/a odredbama člana IX Ustava Bosne i Hercegovine,
- d) uvjerenje ili ovjerena izjava data kod nadležnog organa da nije član nekog drugog odbora ili tijela za žalbe građana u nekoj drugoj policijskoj agenciji ili instituciji,
- e) uvjerenje ili ovjerena izjava data kod nadležnog organa da nije član političke stranke,
- f) ovjerena izjava data kod nadležnog organa da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke,
- g) uvjerenje da kandidat nije osuđen/a za krivično djelo,
- h) da se protiv kandidata/kinje ne vodi krivični postupak,
- i) uvjerenje ili ovjerena izjava data kod nadležnog organa da mu nije izečena disciplinska sankcija za težu povredu službene dužnosti,
- j) ovjerena kopija diplome o visokoj stručnoj spremi pravnih ili društvenih nauka za članove Odbora, odnosno ovjerena kopija diplome o visokoj stručnoj spremi iz pravnih nauka za predsjedavajućeg Odbora (ovjerena kopija nostrificirane diplome, ukoliko fakultet nije završen u Bosni i Hercegovini)
- k) uvjerenje o najmanje deset godina radnog iskustva na pravnim poslovima državnog službenika ili kao sudija ili tužilac za predsjedavajućeg Odbora,

- l) uvjerenje o najmanje pet godina radnog staža u struci nakon sticanja visoke stručne spreme pravnog ili društvenog smjera za člana Odbora,
 - m) uvjerenje ili ovjerena izjava data kod nadležnog organa da nije u statusu državnog službenika (kandidat - predstavnik građana), odnosno dokaz da jeste u statusu državnog službenika (kandidat - državni službenik kantonalnih organa uprave),
 - n) ovjerena izjava data kod nadležnog organa da kandidat daje pristanak da se lični podaci kandidata, koji su vidljivi iz priložene dokumentacije, mogu koristiti samo i isključivo u postupku imenovanja Odbora za žalbe javnosti, te se u druge svrhe ne mogu koristiti.
- Uvjete iz tačke e) i f) po službenoj dužnosti utvrđuje posebna komisija Ministarstva unutrašnjih poslova Unsko-sanskog kantona.

IV

Nadležnost Odbora za žalbe javnosti propisane su članom 69. Zakonom o unutrašnjim poslovima Unsko-sanskog kantona.

V

Odbor se imenuje na mandatni period od četiri godine. Članovi Odbora mogu biti ponovo izabrani u Odbor samo jednom uzastopno. Postupak imenovanja provodi Skupština Unsko-sanskog kantona prema Zakonu o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj:12/03,34/03 i 65/13), na prijedlog Komisije za izbor i imenovanje Skupštine Kantona.

VI

Administrativnu i tehničku podršku u radu Odbora pruža Skupština Kantona koja osigurava i naknadu za rad članovima Odbora u skladu sa članom 67. Zakonom o unutrašnjim poslovima Unsko-sanskog kantona.

VII

Obrada ličnih podataka podnosioca prijava na konkurs vršit će se u skladu s odredbama Zakona o zaštiti ličnih podataka („Službeni glasnik BiH“ br. 49/06,76/11 i 89/11) kao i provedbenih propisa donesenih na osnovu tog Zakona.

VIII

Prijave s traženom dokumentacijom (dokazima) mogu se predati **u zatvorenoj koverti** neposredno putem Pisarnice Ministarstva unutrašnjih poslova Unsko-sanskog kantona ili putem pošte na adresu:

Ministarstvo unutrašnjih poslova Unsko-sanskog kantona
Ulica 502. Viteške brigade broj 2.
77000 Bihać

sa oznakom „za Javni konkurs - Odbor za žalbe javnosti – NE OTVARAJ“

IX

Na prijavi navesti ime i prezime podnosioca prijave, mjesto i adresu stanovanja. Rok za podnošenje prijava na Javni konkursa je 15 dana od dana objavljivanja u jednom dnevnom listu, kao i na web stranici Ministarstva i Skupštine Unsko-sanskog kantona. Nepotpune, neuredne i neblagovremene prijave neće se uzimati u razmatranje. Kandidatima koji ne budu izabrani, dokumentacija se neće vraćati osim na lični zahtjev kandidata. Ministarstvo zadržava pravo izmjene ili poništenja Javnog konkursa.

